

«Violenza a chasa»

Nova ediziun da la brochura actualisada

■ **(cc) Il post da stab per l'egualitad da las schanzas ha adattà la brochura davart il tema «violenza a chasa» a la nova situaziun giuridica ed a la pratica actuala.** La brochura dat a las personas pertutgadas ed involvidas infurmaziuns davart la violenza a chasa e las mussa tge pussaivladads giuridicas ch'ellas han. Ella declera la spedida poliziala d'ina persona violenta or da l'abitaziun communnabla.

La brochura mussa las pussaivladads dal dretg penal e declera las mesiras da protecziun da dretg civil, sco p. ex. mesiras d'allontanament, las qualas èn vegnidas extendidas en il fratep e cun las qualas ins ha uss er fatg experientschas.

A medem temp vegn l'attenziun drizzada sin las consequenzas che la violenza a chasa tranter personas creschidas ha per ils uffants – els ch'èn involvids en la violenza a chasa sco perditgas u sco personas directamain pertutgadas.

La brochura è in carta per cas d'urgenza che cuntegna tut ils numers da telefon impurtants, tut las personas da contact e tut ils posts da cussegliaziun nua che las personas pertutgadas pon dumandar agid. Personas violentas pon sa drizzar al post chantunal



La brochura davart il tema «violenza a chasa» è vegnida adattada a la nova situaziun giuridica ed a la pratica actuala.

da cussegliaziun per personas violentas.

La brochura è vegnida edida l'emprima giada l'onn 2005 en collavuraziun cun la Maisa radunda dal project d'intervenziun, e quai a chascun da l'introducziun da la spedida poliziala en cas da violenza a chasa.

A la Maisa radunda è radunadas las instituziuns e las autoritads ch'èn confruntadas cun violenza a chasa. Pervia da las novaziuns giuridicas e pervia da la pratica actuala en connex cun la violenza a chasa èsi stà necessari d'adattar la brochura.

La brochura vegn tranter auter repartida a las personas pertutgadas tras la polizia en il rom da lur acziuns en cas da violenza a chasa.

La brochura sustegna dentant er la lavur dals posts da cussegliaziun ed è – per personas privatas che vegnan confruntadas cun violenza a chasa – in sustegn impurtant areguard lur dretgs ed areguard lur pussaivladads.

La brochura po vegnir retratga gratuitamain tar il post da stab per l'egualitad da las schanzas (tel. 081 257 35 70). Sut www.stagl.gr.ch po la brochura actualisada vegnir chargiada giu per rumantsch, tudestg, talian, englais, albanais, tirc, serbocroat, tamil, portugais e spagnol.